

**Un pinsîr pe classe dal
1928 te fieste dal
sessantesin**

(1988)

Chèste fieste gjârs amîs,
par nò nassûs dal vincjevôt,
a jè fate insieme unîs,
par mangjà e bevi un gôt,
e par podè fà ben la conte
in trôs co sin c'an dan sessante,
e sperànt di vè la zonte
di rivà dopo i novante.

E su chèst no son contésis,
al sarà cè c'al sarà,
a stà contèns a no son spesis
e po' il Signôr nus judarà,
che dal rest ancje in passât

Poesie e Racconti Friulani

in chei timps na' vore dârs,
il Signôr nus à judât
e 'o sin rivâs fin ca' sigûrs.

'O sin 'ne classe cence pretesis,
jessînt da fruz stâs ben usâs,
puartant bregons e lis cjamesis,
con dût il rest simpri blecâs;
a vè li scarpis vonde rotis
e la' indenant cui pîs bagnâs,
purtröp dal nâs colavin gotis,
ma quant si sino lamentâs ??

Si rideve e si zujave
si scugnive ancje studià
e fur vie si lavorave
pè famee e par judà.
Po' la uere di buride,
e a mudât il vivi intêr,
intant par nò a jè fuide
la miôr etât e no'l par vêr.

Poesie e Racconti Friulani

Zoventût ormai passàde,
e a lassât tal nestri cûr
un'impronte ben marcade,
un ricuârt che mai no'l mûr.

E par chèst l'è just visasi
e ricuardà i nestris amîs,
che tal cîl son lâs pojasi
e nus pâr c'a sedi vêr,
e nus pâr in cers momèns,
di sentiû dongje a nô,
c'a fevelin duç contèns
e che ridin ançjemò.

Duç insieme nô i disìn
cènce trop' stà li a pensà,
che di lôr 'o si visin
cul pensîr e cul preà.

Ma cumò mei çjars amîs,

Poesie e Racconti Friulani

prin di sierà chèst miò discòrs,
col cûr sincêr lo vi lu dîs,
di no ve pore mai dall'ors,
e anje sè 'o vin sessante
no sin cers di butà vie,
sù il morâl se alc s'incjante
e mai molà la compagnie.

Bèn pensant che in chèst moment,
al reste storic il vingjevòt,
simpri legri e un grun contèns
che pa' i sessante al bêf un gòt.

Fuarce classe e compagnie,
sù la tace cu le man
e augurinsi in armonie
di cjatasi di an in an.

(29 Ott 1988)